

寶君豈凡哀輓錄  
李炳光

豈凡哀輓錄

豈凡哀輓錄

共 1 册 存 1 册 排架号 10324

序

人為社會之一員而有以盡其天職於蓋棺論定之日  
社會愛慕之不忘則夫壽不貳彭殤等身之復奚恨顧  
所恨者大有造於社會之身而未竟厥志以歿也古豪  
傑有為之士其生也社會慕之其止也社會哀之而哀  
之之忱蘊蓄於中也深則有文字以發表之也切屈子  
沈湘之痛羊公墜淚之碑死泣之然泐墓有金而即以  
傳其人其可比也叔表弟賈君豈凡為姻老伯鴻初先  
生之次子繼余姑父聘臣府君為嗣者也自浙江高等  
畢業返梓適孫徵君兩手創澄江學校以經費支絀將  
停辦乃起而組織同志若干人倡捐多金以維持之而

澄校遂賴以保存且生徒日見眾多誦之聲春夏不絕使天恹之年則澄校發展當必親見其盛乃於辛亥年春復遊武林入法校月餘病即瘳死一時之同鄉同學暨澄校令事生徒等聞訃之下滿城都作秋聲至於哀不自禁或為文章以吊之或寄託詩歌以哀之而浙江高等校友會及吾鄉澄江學校且相繼開會以追悼之其哀章每處數百幅而來賓之多亦祿是是社會對於豈凡之亡如此則豈凡平日對於社會上交不諂下交不瀆而有以盡一吐天職無愧為社會之一員固無俟予贅語可知矣時余僻居在家取所錄哀章而讀之數過則覺諸君子之盛情大有不容已之意而豈凡

一生之名行即賴此口碑以不朽歟余因彙集之付諸手民裝釘成冊分贈作書以留紀念想六諸君子所樂存也

宣統辛亥年孟秋月

竺新林同謹序

叙言

豈凡今春奄復殂化每一念至良足痛傷其風韻道上逸  
情標舉千里絕迹百尺無枝學比山成辨同河瀉跌宕之  
情彌遠經綸之志特高斯寔俊民也一爾過濼永歸長夜劍  
匿光芒璧碎符采去歲秋中已傷毛子今茲春季復悼賈  
君俱往之痛寧可言邪嘗謂死生之際人所難明君體質  
剛健秀外寔中方謂百年已分可長共相保何圖旦夕之間  
尺波電逝青簡方新宿草已列今覽諸哀辭悽愴怛悼生  
有餘名沒有遺泣其古之人與介弟嘯梅厥彙誄聯都為  
一快俾夫親故有以念茲者焉辛亥秋仲同學弟莫善誠

叙

序



行述

賈君凱字豈凡温州瑞安人本省議員蔡之次子也君少好學讀書負奇氣伉爽磊落見者以大器許之光緒



丙午偕弟嶷來杭肄業高等預科勸學勵行聲譽藉甚已酉夏畢業回里邑中有澄江兩等小學以經費支絀幾殆澄江者孫仲容先生所手創者也君慨然於先輩典型且有闕於鄉里教育乃與同志數人竭力維持之自捐百金以為之倡事聞於諸鄉先輩嘖嘖稱嘆相與扶挈而左右之澄江之不墜君之力也去夏游京師欲入法政正科以促期見擯南歸後復襄澄江校事擴充規模生徒稱盛云今春來會垣入私立法政正科未匝

月遽病猶以澄江校事為念以三月初九日寅時沒於  
 旅邸春秋僅二十六君天性孝友溫和誠篤宜有壽者  
 相而僅僅至是豈非命耶僕等誼屬桑梓畧知梗概謹  
 與我同人揮淚言之伏乞矜鑒

瑞安西鄉同人謹述

豈凡賈君傳

君氏賈諱凱字豈凡瑞之西鄉人也父藥歲貢生宣統  
 元年得公舉浙江諮議局議員君之學問純正品行端  
 方詩禮淵源蓋早得之於庭訓間也兄弟三兄欽畢業  
 杭州兩級師範學堂弟嶷肄業浙江高等正科皆卓卓  
 有聲而君為特異君幼聰慧在家熟輒蘄然見頭角年

十歲五經皆成誦稍長益刻勵具愛國志抱強權義常  
 慕賈長沙之為人念々有調劑民物補世人缺憾之思  
 一腔熱血流露齒頰博覽群書中國歷史周秦諸子  
 以及時務諸書皆求其根本而得其大畧以期措諸世  
 用雖年方及冠實自命為一代人物云光緒丙午年朝  
 廷發憤維新圖自強廢科舉開學堂冀以造就人才振  
 興國事君以橫海巨鱗之質冲天逸翰之才正不屑帖  
 帖為舉子業一聞諭旨煌々適中心竅乃偕兄弟三人  
 入杭求學攷列浙江高等預科日夜攻苦勉求上進各  
 科學莫不殫精竭思研究至理每試輒為校師所稱許  
 君又好結納武林為人材薈萃之區所交皆知名士切

行述 二  
磋觀摩唯善是從故其智識之發達學問之進步神速  
異常時浙以奉旨商辦鐵路公司公舉湯公蟄仙總理  
其事洋人垂涎吾利權恫惴吾政府強借以洋款思奪  
其路權一時有志之士洞識其奸君乃偕諸同志聯合  
鐵路拒款會各令出資集款謂無路權即無浙江無浙  
江即無中國慙々懇々唇焦舌敝卒能捐集鉅款以助  
湯公收回江浙之路權蓋君之年雖少而君之才之識  
實有迥出尋常萬々者其以長沙自命信不妄也歲已  
酉君由浙江高等學堂畢業歸里適西鄉公立兩等小  
學校以經費奇絀屢々乎有停辦之勢君目睹地方情  
形酌諸教育進行主義謂將來初等小學勢必日增而

高等小學斷不可停止慨然發起聯合學界諸同志妥  
議扶持方法開會公舉董事不佞謬蒙其選惶々自恐  
即以才疏學淺不克勝職辭君慨然曰辦學者地方之  
公益公舉者輿情之協洽也必不可辭不佞乃不揣鄙  
陋謬承斯乏君即與同志諸君捐貲集款名曰公益捐  
又身任該堂理科教席而澄校如得再造君之力也是  
歲夏君以該堂組織略有頭緒乃游京師入法政正  
科以促期被擯南歸後轉任澄江校務擴充規模學生  
稱盛云本年春游杭肄業法政正科未及三旬而賚志  
以歿彌留時猶以校事為念吁可惜也君能文章善詞  
令落々有大志言論丰采有雄偉非常之概幾乎俯視



一世與古為徒方其毅然有為一往無前直足倒泰山  
迴東海雷奔電掣莫之天闕使天假之年以竟其所學  
誠宏濟之奇才而國家之柱石也嗚呼何天奪之速也  
君生於光緒丙戌年六月廿六日酉時卒於宣統辛亥  
年三月初九日寅時年二十六妻唐氏 論曰熱心  
興學正志士愛國之基礎蓋智識一開人人有圖民資  
格雖列強環伺而瓜分之癡念或可杜夫萌芽賈君一  
少年慨然以興學為己任而苦心孤詣必欲達其目的  
而後止何世之奸滑者流借辦學之名蹈毀學之實或  
藉名爭款或假公濟私紛紛擾攘荆棘滿途滾滾橫流  
風潮叠起求一磊之落落公尔忘私如賈君者卒不可

得嗚呼盜跖壽顏子夫古今同慨其抱憾曷有窮期耶

唐兆庚撰

同學賈君凱傳

君姓賈名凱字豈凡浙之瑞安人也父議員君少承家  
學質聰慧善屬文然有志實業不屑文章白破碎之學  
為人尚氣節薄浮夸與人交重然諾急難貧困應之唯  
恐不盡其於公義尤有卜式輸財之風然性剛俠見不  
平事則髮衝皆裂或談時事則議論風生慷慨激昂有  
澄清天下之志其他行事多類此不具綴自科舉廢學  
校興識時之士知非求有用之學不足致富強君即偕  
其弟崑詣杭游學肄業高等預科當是時風氣初開西

哲東籍輸入神州一二宿儒惕於人心棄舊畝新倡園  
學保存之說甲唱乙和海內靡然向風君獨以為科學  
關係物質文明甚鉅輕重緩急宜有所先又曰吾國所  
以遜於歐西者質也非文也今願拘之於聲音文字之  
末抱殘守闕不其陋歟故其潛心科學頗多心得既卒  
業歸其里有澄江小學者孫主政仲容所手創也款絀  
校停君則念教育普及關係憲政爰糾同志捐金為助  
補偏救弊校以復振去夏聞郵傳部高等實業募生君  
乃千里擔簷至京師以愆期不果歸仍任校事勤勞不  
減於昔今春至杭欲習岐黃之術而不得其所適私立  
法政招生君將入而躊躇未決來訊於余。曰以君之

才何事不可為今國家政治腐敗外交辱國就君之才  
力精神講新政治外交易醫民為醫國所益不亦多乎  
君然之入校未幾忽嬰疾卒年二十六初有令鄉某者  
卧病於杭君身侍湯藥不辭勞瘁又扶送之歸於家其  
鄉誼之厚尤足以風世而勵俗顧身獨客死傷哉余昔  
與君昆季同學稱知交日夕過後頗知其為人而猶未  
盡也雖不文烏能已於言 論云古人云死或重於  
泰山或輕於鴻毛使功成名立死且不朽今國勢危迫  
正烈士致命之秋君乃撒手長逝有才無命能無悲乎  
然賢者才者往往老死不得志不賢者反驕首青雲自  
古然已我又曷為君悲哉

同學弟方謙

同學賈君宣凡傳

凡欲為人作傳必其人名有足稱行道不苟且當傳記之價值者方可為其作傳傳之使後人讀之有所追悼摩擬便可想見其為人若獨名噪一時而無德行道義之可言可傳者則何必為其傳耶即傳矣亦徒無益有鑒於是則傳之價值可以勿失傳之真相足保無傷賈君豈凡其名行兩全道德美備今雷騎鯨歸大夢之時吾黨學人正宜為之傳也余與君交最久情切誼篤敢以不自量之見為君作傳以傳之使君之名行俱垂於不朽云尔

賈君凱字宣凡世籍温州瑞安西鄉本省議員桑之次子余之同學同鄉也先世四傳皆有功德及人書香累代不絕父為西鄉巨學門徒眾盛不下百餘人歷年以來地方學務公益事全恃其一人維持之今為本省議員譽藉甚君少好學稟賦奇異志氣磊落與人不同見之者莫不詫異目以大器光緒丙午君獨具先見之明慨然於科舉一途不足以久持思所以棄之遂有志四方偕弟巖來抗肄業高等預科數學勵行同學交相稱道及翌年春間英人以鷹鷂之手段恣借款之名目要求我浙路爭奪我利權君聞此警報哭泣不已將欲以一身出鋒國民喚醒塵寰共奮起而爭之當此之時

余亦廁於君側見君如此熱誠鐵血心為之感動遂和君及諸同學在堂聯成鐵路鉅款會各繳會費一元以作電費傳達十一府俾各周知路事之岌岌可危使奮發繼起幸全浙人心未死爭出鉅金購買路票保全路權而後路事得保無危未始非君之原動力行於其間也此君之名行兩全誠足以傳者一也至己酉夏君畢業旋里既不肯在家盡翻架上書而讀之又復抱公益心挾教育思想見已故孫仲容先生所創之澄江學校經費支絀君慨然出與諸同志竭力維持之捐百金以為倡至今該校之不墜且有蒸蒸日上之勢君之功亦偉矣不但是也君在西鄉貧困之家有向君告急者即

君施濟之友朋無力求學者君即補助之豈與守錢虜食肉子所可同日語哉此君之德義美備誠足以傳者二也去夏君改變宗旨仍欲出外求學以成素志北遊京師擬入法政正科卒為期太迫不得如願寄京數月而回君雖不能達求學目的然其志可佳其心亦良苦矣復至澄江學堂擴充規模愈加振作今春來省垣入私立法政正科苦心專學日不暇食未及匝月而病時君猶以澄江學校為念至三月九日歿於旅邸春秋僅二十六此君之為學捐軀誠足以傳者三也然則君有此三者之善行宜乎假以長壽晉其身為異日用何遽爾玉樓赴召不能大展厥抱以盡畢生之精力為地方

門第照耀豈造物忌才兩間嫉德乎抑作善者亡作惡者昌乎嗚呼已矣君上辭二老下棄繻縵學業頓盡天道何與余不禁涕淚交加心膽俱碎磨硯提筆大書特書謹為君作小傳以傳君於不朽也

全學蔡光宇撰

### 祭文

烏虜春華方茂君去何之傷春感逝遽令人悲溯君弱齡志宇英卓媚學幼書蘄露頭角及來省會肄業高饗二難競爽並著英華迨業既卒言返故里維桑與梓必恭敬止鄉有校舍宏儒實開梁木既壞校亦將頽君獨慨歎捐金相餉校賴以扶人亦稱獎君願自歎有懷北遊觀光上國意氣益邁旋歸虎林究心法政儻使有成寧不慶幸何圖不祿賚志未伸參苓為厲庸醫誤人烏虜傷哉某等誼屬粉榆夙同學校感懷疇曩能不哀悼爰具清酌謹酬一觴魂兮不昧髣髴來嘗烏虜哀哉尚饗

浙江高等學堂同學

嗚呼君竟逝矣嗚呼君才磊落君識超羣天胡不  
弔地下修文嗚咽江水慘淡瀛雲屬在朋儕疇不思君  
惟君乃父業紹歧黃多才博學譽滿吾鄉議員被選庶  
政評章臨時召集就道東裝當此君疾未入膏肓南喬  
北梓聚首一堂壺中祕訣肘後良方君雖抱病猶可無  
傷乃征塵方息君赴九泉緣慳一面路隔三千豈無昆  
弟何以慰馬豈無友朋相對索然悵情此恨悠悠蒼天  
嗟君生平武林數至何為今日干造物忌病未經旬一  
朝拋棄奇才客死耗聞內地母哭諸庭婦哭於室上自  
祖母下至娣姪丁此鞠凶潛馬涕泣朋儕驚心里閭蕭

瑟矧當今日中原多事警電紛馳強鄰窺伺土地瓜分法  
京密議大好河山將就沈淪君歸淨土聊可安身余等  
不才目覩兀髡昔年共學感情密切一去不返竟成永  
別廿五吉日焚香哭奠嗚呼前途未艾來日方長音容  
渺渺我心悲傷予文有限予情孔長隻雞斗酒來格來  
嘗嗚呼哀哉伏惟尚饗

江肇岷 蔡光宇

陽春兮將闌鷓鴣鳴兮草不芳執嬰拂而大招兮奠一  
杯之椒漿靈之來兮兩旗皇奄兮分既降敬憑吊而陳  
詞兮曰奚夫子之早亡憶年華之爛錦兮恒磊砢而非  
常寄豪情於湖海託感慨於河山吞飛雲而躡萬松兮

空一邑之安陽挺堂前之靈椿兮方運謀於廟堂整容  
衣而西征兮同負笈於吳山羌學成而曰歸兮開皋席  
於澄江解囊金以相助兮庠序巍乎靈光學子歌于楫  
樸老成器其周詳何雄心之未已兮望觚稜而趨蹌竟  
東望而西笑兮去長安而迴航厭故鄉之尊鱸兮泛扁  
舟於之江方欲研法律以濟時兮救國家之危亡何上  
帝之不仁兮遣謳吟兮巫陽同聲而一哭兮黯夜色之  
昏黃已矣哉月何圓而不缺國無人兮堪傷載輶車而  
歸去兮開商會而相將歌薤露之一曲兮大家聞而斷腸  
伊甌海之不遠兮魂兮歸乎家山

唐 渚唐 演唐 楷

昔中郎凋謝北海揮杯張邵淪亡巨卿執紼誠以膠漆  
相投死生係焉情固必至分亦宜然君少具堅卓之志  
抱經濟之才信言敦行怛然於煙霞之表不羈累於利  
欲不矜心於世務孝於親友於昆弟相莊於夫婦而切  
總於朋友接物温然處己淡然德容古貌一望而使人  
肅然而且熱心辦學不辭勞頓籌備欸項尤極盡心排  
難解紛無不施力行誼如君宜得天最厚享壽無疆以  
樹鄉邦之楷法為里黨之繩墨者也奈何昊天不唁忽  
遘奇凶災緣二豎藥石無靈別曾幾時訃音忽至循環  
生死神仙無了結之期俯仰榮枯宇宙皆悲哀之境况  
君青年凋謝壯志未舒旅魂奚往錢塘江上潮汐悲鳴

西子湖邊風煙淒咽玉樓待記偶來遊戲人間寶劍未  
酬最是淒涼塚上誦生同桑梓誼切舊交聲情之合似  
蘭斯馨意氣之投若合符節感激非他周旋愛我而乃  
星沈處士鵬集長沙病起何時吾不知也歿在何日吾  
不知也相去千里人絕路殊友道終虧吾懷無極嗟乎  
傷哉盡洛陽之紙莫罄愁腸竭滄海之波難完恨淚九  
皋鳴鶴何從收錯於他山一東生芻聊作招魂之楚客  
嗚呼哀哉

鍾 誦

嗚呼豈凡君竟安適耶君死武林柩已歸矣君之魂歸  
耶未耶君雖不等尋常庸俗之鬼物而君來我不見君

去我不覺惟仰首問天視君如在耳嗚呼豈凡鹿城一  
別時幾何耶竟使我口液未乾而即命我潭江接柩耶  
天何召君如斯之速耶當夫花朝之候晉郤偕行相與  
慷慨抒懷縱談時事君固一世之雄也豈料有興盡悲  
來之一日哉况君父母俱存兄弟無故天然之樂瓊未  
嘗不忻之慕之而自愧早失怙恃終鮮兄弟不能令遊  
浙水泛棹西湖以用蕩我心胸增長我識力也且君氣  
足以振頹靡而起退懦才足以應煩劇而解紛拏談足  
以破支辭而折多口此行果學成名立當長驅遠駕出  
太平洋過仙門島覽五洲之政治立華盛頓之偉業固  
吾鄉之幸也抑不獨吾鄉之幸也乃不謂天生賈誼禍



及少年治安之策未上長沙之訃先聞造物忌才古今  
同慨嗚呼痛哉雖然生寄也死歸也人生不過數十寒  
暑修短雖殊同歸於盡日月推移如夢一覺即自古聖  
君賢相忠臣義士與夫愚夫愚婦概不逃於死生之外  
者也如佛氏之尸解道家之坐脫總未有三魂七魄長  
此終古者况值新君在抱政治多門外迫於強鄰內訌  
於伏莽不若乘自由車至極樂國孤鶴道遙閒雲自在  
也君之死何必恨亦何必悲也然觀君生前未竟之志  
與死後未了之事不能不重為君悲也君既不能享遐  
齡登壽考展布其有用之才秦績於廟堂垂名於竹帛  
而一脈相承不得親見於一身者猶可望食報於其後

乃年終廿六膝下杳無其人可死而死吾尚悲之不可  
死而死悲何如也想君有靈九泉之下回視家庭高堂  
悲愛子荆樹傷落花妻哭於內侄哭於外安有不悲戚  
而泣下沾襟乎嗚呼豈凡已矣乎天道茫茫途黯々  
顏回短命盜跖壽終呼君君不聞泣君君不知君如有  
靈應諒我也嗚呼尚饗

唐 瓊

嗚呼豈凡生長名門天性孝友為世所尊詩書宅性禮  
樂治身品概不凡才具超羣熱心公益勞怨不避家庭  
社會推有用器既學普通又專法理南北奔馳雄心不  
已抵抗月餘惡疾頓起時耶命耶溘然以逝堂上椿萱

遠隔千里親視含殮厥惟疑弟痛何如之傷可知矣春  
秋鼎盛屬望方殷發硎有日遽爾歸真撫棺慟哭充耳  
不聞廿餘年來形影相依何期一旦死別生離雨碎春  
紅霜凋夏綠似予無狀未親啟足再見無時百身莫贖  
我心悲痛寸楮難言聞會追悼薄奠一筵嗚呼豈凡尚  
其鑒旃

表兄林 同

澄江學堂全體學生路祭歸榷文

嗚呼生自束髮受書性好引經察物如書所謂天道無  
親常與善人中庸所謂仁者壽必默誌於心以驗諸世  
第時尚幼冲識見未周鄉黨之士氓隸之人雖夭壽不

二而未知若者為善若者為仁也戊申之春始入澄江  
學校肄業時則孫公仲容為斯校主人翁教授管理僉  
稱合法不及二年孫公捐世受委託者緣辦事之人經  
計困難欲行停止斯時也生等已入校者將有半途廢  
學之痛未入校者將有無從造就之悲且澄江導源之  
區將永為中國文明之弱點矣乃先生原不憚人之近  
因奮愛國之遠念不憚勤勞為國再造熱誠一發後者  
如雲扶持議決改良維新宏宣教鐸誨我諄諄沐時雨  
者既深且渥沾餘澤者其亦無窮書與中庸之所稱如  
先生者其是耶非耶今生等已差長矣觀先生之為人  
而竊為先生慶焉慶之云何慶天道之與善人也慶仁

者之必多壽也己亥之春正月間先生來視我學且辭  
以赴杭三月初旬忽噩耗飛來謂先生棄我生初聞而  
驚繼而將信將疑焉信焉者信夫鄉里聞驚同聲一哭  
疑焉者疑夫天道之必不爾也今者旅櫬已回里矣先  
生棄我其信然矣嗚呼哀哉所謂天道其可信哉雖然  
顏氏天殂廟享萬世祐公未達庭植三槐今先生已矣  
彼蒼者天果不愆遺矣而遺澤猶存仁者有後天之報  
施善人當有日也小子雖為先生哭為先生悲其敢因  
此而諱言天道耶先生有靈其默鑒諸哀哉尚饗  
澄江追悼會全體學生祭文

雙旌千里一別三生悟世界之空空怨勞人兮草屨人

孰無死我豈忘情況素荷裁成曾經化育能不悲哉恭  
維豈凡賈老先生者虎視名英鳳池古族才推第一譽  
擅無雙數王氏三殊本居中子比燕山五桂尚少兩枝  
宴桃李於春園饒多樂事奉椿萱之晚景不少餘甘爾  
其負笈從遊擔簦遠出貨晨昏於家督厥有賢兄和埶  
麓於同行呼來予季各存遠志具有雄心因法政而親  
師徑入韓公之室居省垣而肄業重尋西子之湖蟋蟀  
堂開帳南渡之偏安誤甚棲霞嶺在問閉門之天子在  
不醉向南枝冤尋北寺每多感憤不盡唏噓惟己酉之  
秋歸自杭州目覩澄江將墜不忍袖手旁觀登高一呼  
眾山皆應用是組織乎經費招徠乎生徒得先生力為

振興而含沙何多射影非阿那果有定力則鄭校未必  
能存千鈞一髮伊誰之功無何任教僅一年出門才兩  
月噩音遽下警電飛來剛逢百六之期恰在清和之首  
爭道踏青人去賸有春風未免挂劍神傷旋驚宿草生  
等或是舊栽桃李或是新植蒲蘆或通家之子姓東甌  
而來或戚屬之兒曹羞禽而至總是門生無非弟子茲  
聞歸櫬各起哀心嗟嗟杜鵑枝上月影三更蝴蝶夢中  
家鄉千里爰借本校開會追悼公祭先生之位前而弔  
之以詞曰招魂兮何處相見兮無期篆香裊裊兮依稀  
乎舊日之容儀聆馨歎而無聞冀精英之有知雲旗風  
馬庶幾陟降乎庭而薦溪芹與澗藻兮魯酒一卮痛提

撕兮如昨惟馨香兮受之嗚呼哀哉尚饗  
誄詞

宣統辛亥三月九日豈凡賈君以疾卒於武林旅邸年  
二十六越月廿三日其同事澄江學堂全體辦事同人  
作誄詞以哭之誄曰

武威門高篤生賢裔磊落奇才僉擬賈誼學貫中西家  
傳詩禮既學普通轉究法理壯志千秋鵬程萬里生非  
其時二十世紀感懷時事款款知己扶持學務苦心孤  
詣挽回路權籌金力抵愛國熱誠我鄉有幾造物忌才  
竟亡旅邸古人有言生寄死歸生而為寄雖死奚悲屈  
原志士玉折蘭摧孔門好學命短顏回回溯晤言不平

憤世熱血滿腔擊楫撫髀時事多艱痛哭流涕天絕自  
傷在所不計天心西向故縱驕子未策治安誰謀國是  
謠喙瓜分含羞忍恥君不忍視賣志以死國粹保存君  
志獨專一朝撒手恐棄國魂吳山失色浙水潮寒濟濟  
人士莫不心酸况我同志伊獨何堪蒼蒼者天惟德是  
珍仁人不祿壽其身何善不報竟扼斯人造物於物  
何乃不仁魂歸何處鄰里酸辛臨喪會弔車馳馬奔有  
情誰遣淚洒沾襟矧茲校務草創未完經費支絀缺陷  
多端正需籌畫待解倒懸何遠仙逝空緬倡捐人情變  
幻鬼蜮當權假公濟私橫起風潮文明如此野蠻奚論  
君如有知飲恨黃泉臚君高誼歷歷可傳申此哀忱永

矢勿護

澄江學堂全體辦事同人

天道有常耶抑無常耶使謂天道有常而何報施若是  
之謬耶報施之謬若是又何怪吾謂天道為無常耶嗚  
呼豈凡子之植身潔行發憤公忠抑有不合天道者在  
耶何天殛汝之速也潔行公忠者之不合天道抑樂行  
蹈心者之合於天道耶何天之報施若是之謬也嗚呼  
子元正來郡謂予曰吾不屑為文墨學願以經世才自  
奮勵子之言猶在耳何忽罹暴疾而死耶嗚呼天耶命  
耶何天之不就子志耶黃塵匝地禍徧中原天果不願  
中土之有人才耶四境驚飈腹地腥膻天果不欲靖中

國耶嗚呼蘇季發篋班超投筆豈非欲宏濟時艱耶終  
軍請纓祖逖揚鞭豈非欲蕩掃夷氛耶奈何於未發爆  
脫穎之日而君遽溘逝耶年始弱冠正桃李之初艷也  
志氣發達正松柏之始茂也宜澤之以甘露渥之以膏  
雨俾之為盤根錯節之大器而何反加之以震風被之  
以嚴霜使之竟推挫而夭隕耶嗚呼賈生長才任其隨  
浮雲同泡影耶溫嶠多願俾之像鏡花似水月耶搔首  
問蒼天是何其報施之爽若是耶嗚呼吾與子為總角  
交豈不願皓首相把晤耶為促膝談豈不期禍福之相  
與共耶其如子竟割予而遽去耶子疾何時耶子歿何  
時耶二豎之為姦耶抑草木之無靈耶何吾絕無所聞

知耶嗚呼管鮑交潘楊好其竟絕於此耶抑或偶然而  
夢耶插架無羣書賴邊腹為吾考鏡也趨庭少問答仗  
晁智為吾借箸也吾不可絕子子亦何可以絕我耶携  
手階前對月談天子猶記否耶孤燈聯床傾吐兩心子  
猶念及耶歷歷在目前耶抑幻幻如陳迹耶嗚呼人生  
之易過其竟如是耶夢耶其非夢耶吾與子痛癢相關  
天竟不許爾我之相依耶天道有知耶抑無知耶十年  
知交竟無一言以為訣耶班超生望返溫序死思歸子  
竟棄我而客死耶望稽山兮腸斷臨甌海兮淚波吾竟  
對子而何言耶埋蘭掩玉徒增吾之悲兮落月停雲徒  
滋吾之淚兮嗚呼使流光倒馳兒時復得則此悲此念

有時而止何如其不復得耶嗚呼巴山夜話何時終耶  
三峽猿聲何時止耶今生即已矣抑尚有邂逅之日耶  
嗚呼海水有時盡此悲此念無時忘天耶非天耶嗚呼  
已矣嗚呼已矣

鍾溥

悲哉吾友年壯氣銳好學習勤志意高遠上薄青雲品  
行純潔芳若蘭薰清苦克勵愷悌圓融見義不辭見利  
不侵待人以信處己以忠乃鄉之善亦世之英宜遐之  
修且壽之榮云何一疾身殞杭城噩音遠來驚聞輟琴  
嗚呼哀哉寡室燈青雙親髮白遺孤在腹安卜為熊清  
芬不竭遺恨終多溘然逝世精魂焉歸賈志死亡張目

猶視嗚呼哀哉顏淵延壽聖道可傳長吉不死才名巍  
然大星勿殞炎祚終綿賈生得天豈但治安嗚呼哀哉  
惟君與誼情重誼深相期遠大從膝談心何天不吊遽  
赴玉京人生世事浩然一空舉目蕭條風悲日曠恨不  
同往依我友生我懷不已君豈忘心君既歸君之柩兮  
招君魂於甌江之濱荐薄奠於君之靈兮不覺心凝而  
涕零檢點藜閣之遺書兮觸目傷心而不能下視君果  
在玉樓之上伴李賀而作賦兮抑在黃泉之下共顏淵  
而修文嗚呼哀哉存亡隔世哀樂失時寤愚而壽彼夫  
者賢天道如此我復何言嗚呼哀哉

鍾誼

嗚呼噫嘻痛耶傷耶君竟死矣挾如此之氣節懷如此  
之經濟而竟飄然長逝耶君果抱何病以至死耶死果  
在於何時耶數載知交遂成荒涼往逝耶余何忍任君  
之至死耶君亦何忍棄余而長逝耶豈天為之耶抑人  
事使之然耶其命也耶其數也耶元正話別君赴杭垣  
別吾東門送君南浦春草碧色春水綠波河梁携手傷  
如之何然一時之別離猶期來日班荆而道故不料微  
疴一染噩耗迭聞而遽死也能毋悲耶死既不能親臨  
視殮又未能素車白馬以往吊哀哀巨卿能無愧耶回  
首當年相聚嬉戲促膝長吟握手談心他山攻錯情逾  
膠漆庶幾遐年以共激勵也豈料一別之後反無握手

之期而有挂劍之日抱隱憂以終古留遺恨於無窮嗚  
呼悲耶痛耶髣髴春聲伯牙毀絃紘巴聃柱磬襄弛懸  
良有以耶蓋木葉脫而哀猿啼幽篁冷而山鬼哭山高  
水長抑何處得尋君之曲耶蒼々秋水渺渺秋風相思  
無已相慕無窮天涯寥遠無道可通音容已杳何處尋  
踪惟哀鬱兮交集揮涕淚兮橫縱嗚呼痛哉悲矣君其  
何往耶風雨之夜孤燈之影倏往倏來若現若隱者其  
君也耶其非君也耶何客夢之茫茫鄰笛之淒淒夜漫  
漫以悠悠兮情惻惻以難弭展轉以反側兮心益涼淒  
淒追憶遊迹兮宿草已非嗚呼噫嘻君竟何往耶君之才  
之未展君之志之未酬豈修短之有數耶抑天道之無



知耶蓋君之死也亦豈君所能逆料又豈余夢想之所  
可及耶今君竟飄然而長逝耶余能不痛哭涕淚而淋  
漓耶嗚呼噫嘻痛耶傷耶

胡 鯤

嗚呼君死耶君竟死耶君竟一去不復返耶當茲國步  
艱難強鄰虎視豺狼當道滿目瘡痍猶賴君等掃除巢  
穴直抵黃龍君之死寧復甘心耶澄江校務端緒紛披  
辦學諸公各存門戶越歲己酉則將中輟而君乃左提  
右挈灰燼重燃君之死胡能甘心耶嗚呼痛哉蒼蒼白  
髮者非君之老父乎君何心忍使以椿庭垂暮之年抱  
卜子西河之痛君如有靈甘心否乎嗚呼痛哉煢煢孤

燈者非君之孀婦乎君何心肯令以秦玉艾年之時蒙  
樂昌破鏡之哀君果有知傷心否乎而况遺孤墮腹一  
綫難延回首宗祧慘然淚下我知君此去未嘗不涕泗  
滂沱而飲悵於泉壤也君乎君乎何一去而不之顧乎  
且以君之體魄君之狀貌人皆以上壽冀君孰知浙水  
無情甌雲不返二豎交侵一朝殞逝而弱質似我者更  
何言乎昔韓荆州祭十一郎文有曰少者疆者而夭歿  
長者衰者而全存及今讀之猶覺淒然無已也雖然死  
生誠大數死得其道雖死猶生死非其道雖生猶死今  
君之身雖死君之名不死雖死復何哀乎第念故舊情  
殷有懷莫訴丁茲追悼敢表微忱靈如不泯尚其駕雲

車而鑒茲

唐 衡  
吳公權

輓詩

難窗十載結苔苔風雨瀟瀟夜漏沈疑義奇文共欣析  
與君端的是同心  
分飛勞燕各西東君客臨安羈旅中我愧偷閒無寸進  
頻將心事寄鱗鴻  
扁舟梓里倏言旋講學同堂憶去年親見執經勞指畫  
一腔熱血付青氈  
手足拮据志不回長沙經濟更多才門牆桃李爭春渡

盡是君家培植來

忘肝義膽許扶持世界於君一見之方謂故人長聚首  
年年無恙慰相思  
經春判袂幾多時靈耗驚從浙水馳雲樹迷離千里目  
啼鵲有淚雨如絲  
連天芳牋瑞玉孫泉下無須黯斷魂昆季聯鑣方濟美  
異時定見慰椿萱  
生芻一束麥秋天泣奠靈幃淚泣然寄語泉臺舊知己  
來時再結故人緣

何 塋

君正英年才六奇功名事業待敷施可憐無限心忱熱

兔

詩

編安務本書局石印

輓

言

廿一

付與清明杜宇知 君歿於清明後一日

平時第任盛稱君况與吾家累結姻猶記曩時來索句

一窗風雨為君吟 東坡寄垆堦詩有君窮一窗下風雨更相侵君亦我家姓堦也去歲來索

予詩別後不得再見倍覺悵々

風聞染病不多時草木無情促壽期我友曾寬藥石誤

君何又遇殺人醫 我友翊臣前誤於藥客死杭城今君又以藥誤為之一哭

男兒爭立蓋棺名修短何須鳴不平讀到莊生齊物論

休將遺恨作吞聲

唐黼襄

數世知交數十秋誰知綺歲赴仙遊綠鬢空抱共姜恨  
皓首何堪顏路憂誰把文章埋奠土難將姓氏覆金甌

老親猶作門閭望靈櫬歸來萬里舟

高慶嘉

輓歌

賈君豈凡慷慨士也平生學問濟世為宗 僕與同鄉晨

夕過訪每挹緒論欽歎不已居諸隔澗倏焉長逝人生

朝露固如是耶方科舉未罷時君意干進赴杭入高等

學堂畢業旋里輒事鄉學澄江兩等小學堂中輟復興

君力居多願猶欽然於學今春赴杭復入法政學堂天

厄長材竟以客死嗚呼傷已國步艱難需才孔亟一藝

之長罔不甄錄以君之懷抱倘假之年誠不知鵬程之

幾千里也陶甕方運祖鞭中斷英雄清淚能無為宗澤

晚

次

瑞安務本書局石印

悲乎僕蟄居東甌交遊寥落傳子我師墓悲宿草及君  
 繼歿時正落花江城淒笛高恐聞乎士衡歎逝子期思  
 舊情動於中不能自已爰為歌詩四十六韻撫掌之談  
 知所不免然哀感所寄不以文也詩曰

人生等蜉蝣富貴將何求紅顏倏白髮迅速如奔郵嗟  
 君青年士轉瞬已山邱死誠何足憐聖愚同一由如何  
 旅舍歿千里距東甌拊棺少族隣含殮寡親禱望夫夫  
 石爛思子子臺休哀哀西河柳不消萬古愁嗟君天人  
 學抱璞未曾售空將熱誠血飲悵埋荒邱嗚呼國步艱  
 綠林內披猖四境驚百蠻申息北門傷合從與連橫口  
 舌少蘇張夷城並坑卒武畧缺孫穰嗟君英雄士虎步

又龍驤讀史慕前哲介子與陳湯投筆志倘遂猶何強  
 胡強奈天不相漢賈誼偏天傷鳳去悲臺空廬舍吊荒  
 涼攄思思國難片刻九迴腸舒懷懷舊雨涕淚灑故鄉  
 嗚呼予寡學聽琴想伯牙息影寒窗讀聊以避諠譁雖  
 則避諠譁猶願友攻瑕蟄居鄉閭裏相識僅幾家晨鐘  
 與暮鼓良規不我遐無如時不偶狂風推朝霞既喪傳  
 版築繼失賈長沙死亡悲相繼獨坐聽寒笳悲君檀桐  
 質如何折春華孤死增兔悲可憐附葉花嗚呼子之行  
 何以遽登仙哀琴鏡家室悲鳴最可憐椿萱悲絕望妻  
 荆悲斷絃一念子之家慘淡薄雲烟嗚呼子之行何以遽  
 黯然白種與黑奴風雲壓四邊子為廟堂器能任艱鉅

肩大息斯人去海內失張騫嗚呼子之行何以不返鞭  
 江干送別時情意兩相牽為何驚電傳使吾中心煎一  
 念促膝談如御萬針氈竟使百年交終於此一天夜長  
 不能寐起寤對殘編雖禿萬架筆此恨終綿繇

夏言

世事茫茫一笑空人生百歲轉盼中獨恨彼蒼忌才雄  
 千秋賦鵬悲賈公有友豈凡乃喬宗生平浩氣斗牛冲  
 頻年遊學書劍從與人交而每温恭今春二月甌江逢  
 送君破浪乘長風千里首途暢遊踪吳山越水歷幾重  
 中流擊楫此生洪望君變化為神龍詎期羅隱老江東  
 萬丈光茫推劍鋒自古才人多命窮我試昂頭問蒼穹

嗚呼天道何情惜節屆清明君疾終男兒負此七尺躬  
 欲為國家矢精忠亞東士獅猶酣夢強隣環視敵兵戎  
 况後四野遍哀鴻外祠未拜英佑起內江內地猖獗人  
 如君學力充欲從政治圖熙隆君下法天為秦岳挺秀  
 峰靈氣應為兩洞鍾不假數年竟奇功如何奪之太匆  
 匆孤身一腔熱血紅寂々荒涼長草叢大息幽明無路  
 通此後道義誰磨礱延陵挂劍愁慙儂海天憑吊心忡  
 忡提筆狂書素性慵以歌當誄抒私衷

吳振鐸

輓聯

停驂匝月撒瑟三朝起病待仙方忽驚傳物化孤山魂  
歸雲嶺

哀歌二章生芻一束他年逢令節恐再訪街頭楊柳莊  
上桃花

浙江高等學堂校友會全體會員公輓

魚陽鼙鼓千萬聲太傅有長材若教徐榮治安定繫長  
纓掃異域  
馬當風帆七百里臨安非故土何不彌留瞬息畧抒情  
淚訴庭幃

葉渭璜 黃葉葵 黃秉鈺

瑞安務本書局石印



警界同人

陳朝宗

張仲

薛頌波

祥瑞驥

鄭任重

錢銳

陳霖

匡時濟世少年自命即不凡  
緬懷擊楫豪情振臂三呼  
壯志軒昂天漢碧

孤詣苦心當代如公能有幾  
相率及門諸子臨江一哭  
悲聲撼咽浙潮青

澄江兩等小學校全體職員輓

熱誠興學著績澄江一別竟千秋  
桂傷濁世茫茫來日  
何人作砥柱  
通德比隣同心鄉校往來資  
願向詎料途途黯黯昊天

悲我失津梁

亨中小學校全體職員輓

先生如漢代奇才既邦翹楚  
宣室嗣音豈知壯志未償  
鵬賦識成推太傅  
敝校在瑞安僻壤將伯頻呼  
惡潮疊起何忍哲人長逝  
鵲聲風送到芳山  
敝校僻處芳山鄉屢受外界風潮  
曾蒙臂助今忽聞訃前途蜀道為之慨然

啟蒙小學校全體職員輓

頭角露崢嶸  
洞風塵識景伯  
文章憎命達  
沈瀟涕泗哭長沙

元和鄒銓

天驕白種運厄黃人世界盡滄桑君去安知非幸福  
朝露蒼涼夕陽紅慘浮生都幻夢我来那得不傷心

仁和熊飛

同學三年少別二年握手無期撒手竟成無量劫  
離家卅日卧病五日談心未得傷心莫問未歸魂

金華何炳松

揮淚問蒼天慷慨生胡不壽  
東野莫良友珪璋庾玉歎長埋

蘭谿 汪潤 潘樹

義烏黃國銘

大道寂寥殞斯國寶  
蛩聲淒咽哀我良朋

山陰沈允昌

頻年負笈他鄉潛心歐學方冀克成大器力挽狂瀾奈  
當天上樓成負長吉生前壯志  
昔日執經一室篤誼金蘭正欣重挹清芬暢申離素何  
竟宵闌夢惡遺元卿半世餘悲

於潛 方鍾 潘澂

辭同學儕作天上客徒教徐榻空懸滾々寒潮沈噩耗  
棄人間業修地下文頓把俞琴閒置洋々流水乏知音

免

非

瑞安務本書局石印



杭州 樊達琛 胡旭辰  
胡元愷 許德成

高等預備三年法政正科兩月何意鵬入坐隅壽促長  
沙造物太不仁偏好厄賈門壯士  
俄人窺伺伊犁英兵拈據片馬當此鹿爭中原才須道  
濟斯時竟遠引何恐弔帝國殤魂

江山 王紹毅 仁和陸鍾駿  
周錫九

學以致養孝子之心記夢裏光陰我自燕來傷慈母  
遊必有方聖人所訓念手中針綫君何客死撇高堂

徐濟川

家室孰無情者番旅櫬孤燈定覓歸槎驚夢裡  
英靈如不滅何恐高堂垂暮飄搖梅雨過江來

姜蔣儂

並肩攝影原有期詎知三日暫離竟成永訣  
別頸交情長在抱獨恨九京不作此願終虛

徐定超

古皆有死之奚足悲惟是遊學他鄉謀面一時遽鶴化  
花落無情情難解脫矧此招魂異地暮春三月聽鶉啼

吳斌

春秋正盛法律初從恣拋憲政萌芽黃種沈沈獅夢醒  
古刹招魂愁情觸緒對此春華零落青衫個個淚痕多

楊剛

來遊方匝月未了塵緣奈壯志難酬恐令凶音傳東浙  
抱病未經旬遽登仙籍倘毅魂有感應教熱淚洒西湖

胡晏球

同學幾多時記曾半月未週楊柳春風吹噩耗  
瞻韓繞一面何恐少年長逝素車白馬吊英魂

潘球

精普通學習法家言不辭千里奔馳壯志如君能有幾  
誼屬梓桑情閱几席詎料一朝溘逝傷心似我更何堪

陳強

君乃洛陽少年棲身法政同鄉異地風瀟雨晦可譚心

何意半月未週噩耗傳來明月西湖都滲淡

我志永嘉末學寄迹武林感世傷時毳幕醜腥將到眼  
孰若早行長逝英魂不滅瓊樓王府任逍遙

吳景鴻

英年不祿修短雖定自天促駕太匆忙盡教半日稽程  
恐死待親覘一面

同病相憐才否亦言其子西河多苦况適值與聞國政  
勉參末議總灰心

項湘藻

望夫石爛思子臺寒舊迹遍西湖恐令精魂窮碧落  
長吉嘔心子淵短命凶音傳東浙頻揮老淚哭青年

陳超英

送君千里去乘風破浪遠大相期豪概邁祖生中國英  
材誇後起

同事一年餘斬棘披荆經營未了熱心少太傅西鄉學  
務痛前途

唐兆庚

廿六齡英氣雲消空懷太傅奇才中國治安無策上  
一千里耗音電至最惜西鄉薄福前途學務仗誰扶

全

生子當如孫仲謀俯漸兒輩才疏得交並世英豪極目  
青雲迤奮驂騮能附尾

停

聖主幸逢漢文帝停望治安策上豈料頻年羈旅驚心  
斜日識傳鵬鳥遽罹凶

唐黼鴻

交我近十年記曾滬上借來擊楫渡江流起舞豪情同  
祖述

聚居逾三月此後京華重到長林開檀板清音賞識少  
周郎

傅師說

早十年識君洛下英才滿望將來成大器  
遲一日怛化武林旅館猶堪扶病見高堂

唐黼墀

生平以遠大自期當武林卒業而還行將觀光西國勵  
學東瀛壯志薄雲霄此後功名難限量

妙齡輒激昂任事惟梓里闕心慕切誰知蘭芷早推瓊  
瑤遽碎英才歸地府生前心血付灰塵

唐黼裳

夢迴故里三更月

小謫塵寰廿六春

唐黼樞

具愛國心若正少年慨時事多艱天忌英華偏不壽  
作忘年交我懷知己奈奇才遽奪自嫌偃蹇過殘生

雕蟲刻篆我勿為也身世歎茫茫祇緣文字無靈羞對  
鬚眉頻照影

唐黼襄

擊楫渡江君真健者英年方勃勃爭奈治安有策空從  
江海覓歸魂

唐鳳林

百年事業成虛願  
千里音書哭故人

傅宗說

學子表哀情梓桑懷惠愛公死猶榮獨念滄海橫流來  
日推誰作砥柱

文明揚東浙孝行遍西鄉人言無間惟恨長途不返彼  
蒼恐我失津梁

陳祖林

君乃博物專家銳志出西鄉繞唱驪歌送杜甫  
時值瓜分奇辱耗音傳東浙恐披鵬賦泣長沙

楊鍾麟

我方踏青歸君道乘黃去逝者如斯待來歲今朝重遊  
西子湖邊雲影溪聲同吊泣  
天不愛少年世偏逢多故死豈已矣想人間天上談及  
東陞時事枕戈策馬尚精神

虞廷愷

我愧清流名士不隨俗不徇人還顧藐躬寂寞無聞存  
若歿

君真熱血少年振學風謀學務參觀往事聲名卓著死  
猶生

曾詠梅

投筆覓封侯君望玉門懷定遠  
鴻才竟天命我從鄉校哭長沙

傅祖說

遠遊猛着先鞭當壯盛年華後世英才真可畏  
往陪愁看靈樞對淒涼老友感懷親舊不勝悲

鮑紹恭

白髮有雙親那堪清廓同嗟堂上椿萱誰共慰  
青年惟一婦差幸投懷已兆階前蘭桂卜重森

高慶嘉

感懷國事老無能為慨一生灰木徒存託業在歧黃愧  
我獨知調養職  
磨勵法科學期致用奈千里電音遞至招魂悲屈賈惜  
君未展不羈才

狄一南

智識啟文明鄉校重興一片苦衷曾我訴  
英材誇磊落墨花條萎兩行熱淚為君揮

蔡夢龍

風雨同堂方欣切磋何期清明時節魂斷旅旗造物太  
不平遽奪我志士英年六濁偏留賣國賊  
海天作客况本淒涼當此大地風雲瓜分行省邦情烏  
足論獨羨君青山黃土九原可避外人奴

胡榮元

魯祖參

國事無可為矣瓜分警急豈剖情危君如天上有靈應  
為同胞作請命  
夢魂其不復乎雲散太虛石沈大海我向幕前含淚那  
堪異地賦招魂

王人驥

舍普通研法律際此時間應為中原作砥柱  
生會聚死別離期逢春暮竟從易水賦招魂

王競

逢君千里撒手一朝聽兩岸鶻啼淒斷夕陽花影亂  
芳草長堤落英滿地積三春蝶夢感懷往事淚痕多

孟毅

壯志未酬身遽死  
瓜分已迫我偏來

邵芾

生亦一京洛少年痛鵬識遽成餌表未施費志歿  
余猶是武林作客聽鶻啼欲斷閩河遙隔感懷多

色作雨

邵秉中

管震

王汝蕃

林余琮

千里寄萍蹤可憐大好年華遽爾修文歸地下  
一朝驚噩耗劇恨距離咫尺未曾伺疾到君前

洪彥羣

劉樹南

葉廣澤

王廷一

王紹芳

先慈逝世未週年每聞桑梓招魂籲地呼天無限傷心  
增我感

吾輩論交纔一面猶幸武林寄迹素車白馬空從古刹

魂

節

瑞安務本書局石印

吊君靈

客裡識荊州豈意吊臨仍在客  
才懷逼太傅最憐造物忌斯才

夏禹錫

林大同

孫量

人生到此天道寔論少年勤治安畢竟壽命不終宣室  
未開太傅萎

我阻西行大禍不解老成謀國是誰料家庭多難客途  
報道伯魚亡

黃秉鉞

鵬鳥賦成才調絕

燕臺回首客心驚

項斯駿

武林求學校舍相連方期休沐餘間風雨聯床堪語舊  
甌海同鄉瑞安最近何忍知交長逝湖山改色共生悲

葉孫

百餘金解橐輸捐澄校長存後學恩沾時雨化  
一兩時騎鯨應召昊天不吊同鄉淚灑浙潮多

朱衣德

年方荏苒莫限修途君何與世長辭求學終為勤學累  
淚洒葭莩末親問疾我欲撫棺一慟傷心更覺疚心多

兔

節

瑞安務本書局石印



葉敷榮

辨學念澄江遺愛難忘大木傾頽誰作主  
招魂來古寺餘哀未了落花時節又悲君

賴邑東郭垣

千餘里負笈重遊欲成法律專家留翰葵忱拯厄運  
一霎時沈疴不起拋却天倫樂事耗傳桑梓動哀思

黃任 項亨

項鼎 項樞

君具霍孟熱忱何僅閱三春賦鵬心傷竟步長沙悲絕  
命

我亦申韓後學恨未謀一面騎鯨羽化惟從浙水吊幽

魂

辭一清  
瑞驥

客死劇堪悲曾教努力少年抱病霎時驚物化  
魂靈胡不返恐使高堂老淚扁舟千里哭君來

蔡冠英 胡方樞

孫繼勛 洪錦綬

乃翁從千里而來謀面無緣長使西河揮老淚  
在我亦孑身作客傷心永別那堪古寺吊羈魂

陳克猷 陳詩

戴炳驄 錢蔚

逝者竟如斯恨遭大地瓜分命駕自歸淨土去

兔

絲

編安務本書局石印

有情誰遣此痛然西河莊上孤魂獨伴卧龍遊

薛瑞驄

戈錫齡

君為篤學而亡壯志頓灰早歲凋零悲子建

予恨談心未久斯人溘逝知交淪落吊長沙

李公勉

去年北上今歲南來同校未兼旬殞我知交無限憾

賈誼多才顏回早世蒼天何太酷令人長抱不平鳴

伍振文

金錫箕

陳宗憲

蒲場共學荻卷分馳回首兩年前流水高山悲絕調

駕鶴飛昇卧龍作伴招魂千里外臨風灑淚送歸帆

蔡光宇

生死亦何常祇憐壯志未酬遽撇高堂歸淨土

人天原有恨如此年華鼎盛頓教慧業付東流

陳閔恕

項亮

孫希賢

旅邸憶聯床彈指三年秋月春風等閒度

舊交聞易箒沈疴七日錢江甌海有餘悲

崔陳鴻

初識韓荊州交誼方殷最是別離增客感

差同賈太傅多才不壽始知造物少仁心

小別千秋黃公壚前多舊感  
同聲一哭甘瓜園裏動哀思

陳慕琳  
亮

陳拯中  
王煜

同學復同鄉最難忘舊日深情盟心白水  
淑身兼淑世祇贏得滿腔孤憤費志黃泉

方謙  
鄭濟

造物忌才洛陽少年竟不壽

東芻來奠甘瓜吊客有哀

李廷鑑

鵬識成真造物忌才奚太甚  
曇花倏萎招魂異地更何堪

蘇壽康  
陳公博

曩年要我北遊情如昨日  
此際覩君西逝恨抱千秋

姚瑾

彭殤何尤乎傷君壯志未酬泉下應留賈誼憾  
死生亦大矣痛我知交先殞人間空頌子山銘

吾豈無情他年法學大成屈指少一人太息奇才偏促命

黃維中

古皆有死後顧時艱愈亟容身無寸土勝如早歲得依歸

項文樞

志高行潔熱心挽時局艱難濟變急需才方期造就有成展布經綸償壯志

棄世離群撒手撇高堂長逝知音悲絕調際此倉皇旅况感懷異地賦招魂

沈公鐸

舊雨話雞窠小別三天忽噩耗飛傳最可憐清明時節春風來鶴弔大招一曲問歸魂何處祇堪向西子湖濱

林宗強

同事甫經年方欽扛鼎心雄仁望九泥封函谷判袂纔閱月忽報斯文天喪徒揮雙淚巾英魂

曾詠梅

陳俠

學宗孔孟藝究中西廿六年抱負非凡壯志未伸濟世策

馬帳初開蓉城遠召二千里耗音忽至傷心愁聽輓歌聲

造物不仁遽奪我生平知己  
中原多故竟喪斯曠世奇才

楊鍾麟

趙造  
陳麟書

京華聚首浙水談心異地慣同遊孰料別僅三旬偶爾  
中傷竟自武林悲落魄  
輔嗣多才子安不壽昊天何不弔恐令災生二豎多方  
莫抹空從甌海賦招魂

王 穰 曾銑

何 望 盧棟

曾 燮

西湖警電痛頻年迭次飛來夢夢果何心於今淚眼未  
乾回首又驚賦湘水  
南郭濫竽憶殘臘再三吹許壬久尚在耳為感知音絕  
調愴懷那忍過澄江

鄭棟選

大地競維新正領裁判人材匡茲中國  
昊天何不弔竟喪熱腸志士負我西鄉

方兆蓉

旅館痛捐軀獨憐堂有椿萱未免愴惶揮老淚  
蓉城遠赴召猶幸家多華萼尚能尉藉節親哀

鄭 奠

政界急需材可憐鵬鳥興嗟治世安民誰建策  
故交悲宿草苦恨鶯鳴求友高山流水孰知音

許傑鍾誦

盜跖何壽顏何夫歎文章憎命造物忌才世事盡含冤  
豈獨渡江吊屈子  
道高一尺魔一丈慨荆棘橫生風潮疊起滿懷多惡感  
那堪揮淚哭長沙

何堃

浙水太無情一少年遊學他方苦雨勞形空熱血  
澄江聞噩耗眾門人失聲痛哭悲風撼動咽寒潮

趙造

感舊則家鄉同塾憐新則法政同堂屈指幾多時去年  
北地言旋憑吊空留湘水恨  
長才乃賈誼後身短命乃顏回後武招魂何處是異日  
西湖遊玩傷心怕過卧龍莊

江肇岷

膏肓深入藥石難攻視疾兩三天愧我技非張仲景  
湘水無情浙潮有恨享年廿六載令人腸斷賈長沙

又輓

鄉校賴維持獨先解橐當皋比共擁方幸鑽研半載粗  
具規模科學漸擴充冀醒睡獅興末造

武林初稅駕偶抱采薪奈藥石無靈遂至鐵聚九州鑄  
成大錯英雄遭厄運忍教化鶴不歸來

董宣

朱正

頻年杭甯凶及知交而今雲渡相逢淚眼連覘歸櫬慘  
近代學風困於經濟若論澄江再造熱心任事感君多  
時局值艱難需才孔亟乃顏夭距壽天道無知藥味亂  
相投誤煞英雄歸淨土  
鄉校當絕續鼎力相扶何志士英年精魂莫返悲歌聞  
倏起咨嗟桑梓失完人

沈德煌

此去竟成千古別  
識君惟有一面緣

葉桐

挂劍盟心我實有慚吳季子  
少年賈志君殆無愧賈長沙

吳夔

澄江桃李幾費栽培計樹人百年熱血滿腔空灑盡  
聖湖風煙忽增慘淡痛家山千畢旅魂何日賦歸來

何閔

許傑

時事極艱難憐君愛國多情挾策遠遊千里外  
朋儕悲寥落愧我離羣索處定交苦憶十年前

徐復

離鄉萬里共憐遊子單寒友道本相規獨君素簡頻來  
不肯泛為情緒語

杜宇一聲報道故人歸去心喪猶未了愧我青衫依舊  
那堪重上淚痕新

唐揆

後太傅生已千餘年曠世適相符賈氏空懷二傑士  
距翊師亡僅七閱月昊天何太酷西鄉連折兩英材

王穰

大厦懼將傾自慚小子無能方冀中流資砥柱  
澄江慶再造忽報英才長逝空從遠道吊英魂

鄭璧奎 王佑  
智壁林森  
狄籥

知己悵離蹤對茲越水吳山空揮熱淚  
中原方多故聽到風聲鶴唳益觸愁懷

周弼

求學渡之江奈生前奢願未酬逝者如斯堪痛哭  
愁雲迷法海倘泉下有書可讀魂兮不昧盍歸來

又輓



鵬程千里壯志軒昂倘逢前席虛心君定縱談天下事  
杜宇一聲耗音飛遞此後晴窗點筆誰來解想畫中詩

陳麟書

年少才華悲逝水  
日斜羈旅吊長沙

陳英

賈長沙痛哭上書政見未伸太息才人多薄命  
吳季子歛歔挂劍舊遊如夢感懷風物最傷心

吳振鐸

十載舊知交曩時坐對巴窗不堪回首  
一朝成永訣此日望窮甌海何處招魂

鍾訥

君非百里才記犬羊狡逞攘奪路權尚能協力奮爭歎  
集同人伸國氣

吾存四方志但桑梓維殷棲遲鄉校詎料惡潮橫起心  
傷將伯又誰呼

曾銑

名高班馬汰衍申韓適當滄海橫流憤世傷時君獨贅  
纔唱驪歌驚聞鵬賦此後竹牕布祿幾何疑義我誰商

又輓

梓里論文六七載善則相勸過則相規憶從前北海風  
高末座叨陪資砥礪

武林求學兩三年我獨生還君竟仙逝痛此後西湖月  
滿扁舟重泛倍淒涼

傳博

國事多艱那堪湘水無情一代英雄悲賦鵬  
鄉邦不幸忍看西河抱慟九皋青淚聽啼鵑

伍倜

教澤及澄江入校欣逢青眼友  
光陰悲逝水倚閭盼斷白頭親

謝希祖

申韓家法盧孟微言鎔鑄竭精神力學英思傳雅譽  
西子湖濱彭公祠畔風光仍明媚撫今懷舊轉傷心

傳溥

張處

壯志出鄉關君乘長風同宗慤  
噩音傳故里我從堊室哭長沙  
奮迹武林遊獨懷壯志乃頻年作客無端警電飛來後

顧茫々此別遂成終古恨

唐權

維持澄江學未竟全功何條爾捐軀頓使征途長寂前  
塵黯々感懷倍切故人悲  
平生勵志絕學同扶方期相得漸摩意念殷々極目春  
風債素願

累世交遊如君有幾未獲躬親含殮雲山渺々燈前夜  
雨倍傷心

鍾溥

時局際淪胥欣逢賈誼奇才建策治安中國前途多幸  
福

龍蛇成歲識太息顏回好學青年夭折西鄉後起失師  
資

經萬里波濤險阻壯志重遊奈為學殞身今春逆旅招  
魂徒向江干頻弔影

憶曩時酒肉因緣神交如昨竟臨歧撒手此後西湖泛  
棹傾譚歎曲復何人

道德學問文章繼迹廬陵誰不朽  
痛哭流涕太息緬懷宣室此嗣音

劉傳霖

吳鳳岐  
王福申

祖國正需材賴茲曠世奇英扶弱起衰成偉業  
吾鄉何薄福忍見旅棺歸棹承先起後失完人

張公鐸

旅櫬返故鄉兒女英雄齊墮淚  
哀魂招異地甌雲浙水共含悲

吳公權

器量我慚黃叔度  
治安君是賈長沙

黃逸

扶持學務久決人心壯志本難酬可憐屈子多才竟令  
英年作過客

傾慕聲華僅慳半面機緣何太淺只恨鯁生命蹇自嗟  
我獨不逢辰

王彥達

十年舊雨頻浹殊深恨未獻策治安賦鵬旋流才子涕  
千里暮雲知交何在恰值落花時節啼鴉催送旅人魂

何希遜

知音不乏惟我最親憶昔時鄉校同遊夜雨聯床商教  
育

別僅數旬竟成永訣看今日里門追悼辦香頂禮吊英  
魂

曾毅

維澄江學儲法政材方期壯志克酬陶鑄國民駕白種  
偕傅氏歸繼許君逝始恨昊天不弔空從鄰里泣青年

朱鴻

武林遊學旅館捐軀可憐造物忌才不為法科留偉業

良友云亡知心有幾此後藐躬無狀誰來規過進忠言

孫衡

別來一月仙去千秋人事太無常愁對西湖懷舊躅  
既哭良朋又傷益友靈音驚荐至恐聽東浙咽寒潮

曾貫之

平素富實力興學具熱忱桑梓論材允推是第一流人  
物

丈夫抱壯懷到處好埋骨海天回首毋相忘八百三三  
山

又

君有北海才如何不壽  
我為西鄉哭遑計其私

謝聲振

雄才壯志抱負不凡  
何為鵬鳥賦成恐令傷心  
悲賈誼  
流水高山知音有幾  
恨瑤琴調絕那堪揮淚  
泣鍾期

郭維中

死却無妨劇憐讀律看書未了  
男兒心報國  
生真多恨望斷湖雲江樹  
難忘風雨舊聯床

吳樹基 林樹勳

英沾片馬俄逼遼陽大局已頻危  
君何瞑目  
業畢普通功專法政青年遭不祿  
我輩寒心

戴希俠 陳宗辰 唐鼎

君乃長沙後身幹濟才優何處之  
江悲鵬降

我係故鄉舊友琢磨念切空從里  
開鶯求

陳俠

回何天扎距反壽終天道竟渺茫  
大案千秋成疑獄  
介子云亡長沙又逝旅途驚寂寞  
遠遊異地各寒心

陳猷

君乃甌海奇才千里渡重洋  
起舞豪情邁祖述  
我亦澄江同事一朝聞噩耗  
扶持鄉校失長沙

陳顯揚

憤世忘身君赴黃泉成大隱

又

長才短命我為洛陽惜少年

功深三絕志在四方法政切精研  
曾同全浙雄才特出

班聯沾化雨  
 識應龍蛇行分鴻雁英豪促壽算遂令吾鄉人士咸嗟  
 天上隕文星  
 陳葆勤

壯志羨雄飛方期鵬翮高搏雲路迴翔天咫尺  
 英材竟早折回憶螢窗相對秋風蕭瑟夜淒涼

張國華 吳保中

君年減我一週具愛國精神賈誼復生偏不祿  
 我未識君半面慕憐才風範荊州以後失完人

周 權

涉萍溥海志立千秋何疾乎沒身千里  
 興學育材功具再造如君者能有幾人

唐 珩

死生誠大數際此瓜分時局禍迫燃眉君何瞑目九泉  
 撒手逍遙成大隱

造物太不仁劇憐鼎盛年華才堪濟世孰令捐軀千里  
 關心悽慘賦招魂  
 朱朝黻

大家子弟惟汝最佳子冶紹箕裘那知大厦棟梁金闕  
 玉樓偏促駕

後起英才如君有幾武林開校舍遽失文壇旗鼓錢江  
 甌海並吞聲  
 陳益三

哀哀浩劫禍及少年父哭子妻哭夫兄弟復折斷雁行  
 一息尚存甌海浙潮翻血淚

莽公神州勢將瓦解俄瞰北法瞰南英日又東西虎視  
九原可作歐風美雨慟羈魂

張黼文

椿萱並茂棣萼聯芳更祖母在堂家多榮慶方冀鳳毛  
展翼驥足騰驤運會競維新華族應存天演界  
燕已投懷麟將奮迹繼先人遺緒宗派綿延誰知數月  
離鄉一朝撒手彼蒼何醉夢斯文偏喪霎時間

鮑立銘

知如文仲勇若卞莊念今春學習專科壯士有懷獨奮  
雲程誇捷足

疾類伯牛天猶顏子痛此日電傳噩耗斯人長逝竟騎  
箕宿不回頭

鮑立瀛

一面未謀傾慕聲華曾下拜

陳疇

千秋永訣追思風采竟如何

陳灝 蘇廷俠

讀律思致堯舜君何圖浙水一行芳杜彌留泡影過  
建校欲培元愷士祇此澄江再造菁莪紀念淚痕多

曾銳

君非百里才虎林遠遊學未成名身遽殞

唐楫

我失平生友鹿城聞耗感深知已淚尤多  
君是賈太傅者流期生平志願堪酬為國分憂仗年少  
我乃曾子與後裔看亞陸夷氛甚惡何心揮淚哭知交

曾鎮華

乘萬里長風桑梓有材凡在交遊同屬望  
眺一湖殘月江山如畫時無豪傑益增悲

孫匡中

短命君悲賦鵬鳥

又

濟生我愧點龍麟

遊學未成名葛嶺三年羈客夢

唐杰

知交聞噩耗甌江千里弔英魂

故鄉舊校君曾慷慨捐輸當此噩耗遙傳豈僅濟么生

徒同深痛哭

越水吳山我亦後先蓋止太息長沙仙去相對茫茫世

界倍覺悽愴

應蔚文

交稱莫逆已如君家園暢敘客邸談心疇料君分袂數

旬噩耗雷馳來東浙

別不多時長作古關塞陰沈雲山路斷劇憐我暮春三

月哀聲風送到西河

董威

業未成志未償總疑大造無情賈誼才高偏短命

學同堂居同里何忍故人長逝卧龍莊上寄孤魂

林演

梓桑幸產英材振作殫全神方期化草野蠻後起師資

有賴

時局務須旋轉改應存大志爭奈文修地下吾儕悲悼

何如

蔡錦華



一朝訣絕萬古塵埃我當與澄江學校少年同聲一哭  
恨滿浙潮望窮甌海君何忍垂暮高堂二老含淚招魂

胡崧

求學遍天涯立德立功立言沒世不忘當世香  
修文歸地下得祿得名得壽他生未卜此生休

陳麟

澄江興學端賴維持梓里有名賢矢志靡他專為西鄉  
謀進化

甌海招魂空來憑吊滄桑悲晚近前途莫問徒傷東浙  
喪斯文 又

磊落著奇才記曾夜雨談心侃々名言驚四座

別離甫匝月詎料春風分袂茫茫前路即千秋

朱玉琴

舊雨相親憶昔年琴韻書聲頓成往迹  
精靈安在合此日素車白馬共賦招魂 秋 簫

季弟常侍疾在旁念北堂手線猶存萬縷千絲增孝感  
乃翁亦因公適至向西子湖濱一慟六橋三竺送哀聲

吳炯

與君一面交方期壯志風飛異日學成應致用  
此行千古別誰料良朋雲散片時凶報忽遙傳

朱芳

十年伏案千里擔簦方期鵬翮高騫從此飛騰雲路迥

半載論文一朝永別每憶鴻名卓著誰教赴召玉樓成

朱鵲

極目雲天太息先生長不返

周公亮

驚心噩耗可憐後進更何依

洛陽才多造福梓桑心獨熱

唐鏊

武林人杳感懷蘿菀淚全枯

辦學惠後生無限深恩逮桑梓

何均

成名期憲法空教熱血灑錢塘

年少富才華方期霄漢飛騰大器養成當刮目

時艱長解脫太息家庭缺憾高堂忍棄敢忘心

高崧

君歿乃翁來倘殘喘稍延未免挽回微妙術

訃聞昭妹哭願遺胎無恙好教生長有傳人

內兄唐渚

生難為情慘莞婺未婉遺身鳳兮麟兮可否斯人綿血

系

死應賚恨願旅邸有靈英魄山也水也依隨乃父返家

鄉 內兄唐演

高堂垂暮綺閣初春倘教魂魄有靈雨晦風蕭應墮淚

六日沈疴千秋永訣從此人琴俱杳烏啼花落倍傷神

內弟唐楷

天孫錦黯繡閣風淒惟期南孺生男有子能承先世業

免

錄

瑞安務本書局石印

犬羊交爭龍蛇競起太息長沙夭壽與誰痛哭此時艱  
昭妹太傷心痛瑟瑟調絕鐘鼓聲寒恐將七尺微軀刻  
刻念殉亡別鵠離鸞悲斷續

賈生真拔俗慨禍起瓜分勢成豆剖拋却一腔熱血悠

悠思解脫騎鯨化鶴任逍遙 內兄唐 璣

以王袁誼作管鮑交每當晨夕談心暢所欲言府海官

山徵素抱 君嘗言大丈夫得志當效管夷吾官山府海方能

千里睽違三旬契濶劇恨雲山阻我愛莫能助撫棺視

殮未躬親

匹夫有志獨擔天下仔肩數年來銳進如君徒傷經濟

困難幾輩含沙猶射影

大造何心遽奪澄江奇傑二三子哀傷過我趨向靈輦

致奠一腔隱恨表同情 姊婿唐民弼

廿年餘形影相依雞窗詠竹驛路觀梅記客秋南北遊

蹤湖上喜逢驢背穩

頃刻間音容遽杳芳草前枯白楊早落痛此後昏花淚

眼天邊望斷雁翎孤 表兄林 同

君方奮翼飛昇使天假年華鳳翥鵬搏桑梓從茲添景

色

吾亦忝居姻婭何時遭厄運蘭摧玉折菖蘿自此失依

歸 從姊婿蕭篆盛

潘楊媼姪韓李師生方期曠代奇英萬里颶風清絕域

賈誼傷時屈原憤世際此瓜分危局一腔熱血付東流

受業襟弟陳公權

傑出少年壯志未酬身已故

陳宗亮

嶮興新學苦衷莫訴目難瞑

博物萬狀理解分明憶先生教育維殷隨處關心憐我

鈍

壞木一歌凶音飛遞慨小子速成太切自慚躡等負公

多

桑宗幹

木鐸秉西鄉喜桃李成陰管領春風思舊澤

耗音傳東浙歎梓桑失望共和淚墨泐哀銘

唐 灝

築室心喪空想像

澄江小學高等全班學生

臨江憑弔悵孤魂

我熟一瓣香燦陳丹荔黃蕉憾未躬親聆鐸教

公從千里返默冀雲旗風馬暫臨江上聽書聲

澄江小學初等全班學生

翁正少年時方期策上治安何遽長沙飛噩耗

我居弟子列豈料歌傳梁木徒從澄水哭先生

高等四年生唐撐清

翁真長沙後身可憐宣室未開賦鵬竟成志士識

我亦河汾弟子太息哲人其萎啼鵲倍觸及門悲

高等四年生董 椿

先生真磊落奇才方期壯志克伸楨幹定肩梁棟任  
小子正莞々無告忽報哲人長逝愁懷轉觸蓼莪悲

高等四年生唐 鳳鼎

騎箕別去千秋記曾贈許囊金仗義如公能有幾  
陟岵悲逾三月忽又歌傳梁木不才似我更何堪

高等四年生林 剛

干將出冶利刃當鋒公應是賈誼後身濟世經綸成絕  
調

葭末心欽蘭猷耳熱我曾侍馬融講席曩年絲竹孰嗣  
音

高等四年生謝 鴻

少年曠世才何期鵬賦銜悲忍抱遺篇能卒讀

專門博物學此後蝸聲徧野誰來解剖示同堂

高等四年生盧功懋

大地聲瓜分時局沾危痛哭賈生先絕命  
及門悲木壞音容長渺心喪端木倍關情

高等四年生孫作楨

研經博物兩兼之善誘循々未及宮牆窺數仞  
面命耳提今已矣幽魂渺々追思模範夢三更

高等四年生徐 鵬

雨化沐深恩憶澄水從遊今日忽增梁木感  
瓜分危大局歎長沙不起中朝誰上治安書

高等三年生李騰驥

衣鉢感師恩面命耳提風雨一堂懷舊夢  
關河羈旅襯生離死別江天千里悵招魂

高等三年生盧杰

奇才原卓犖不凡何遽爾歸真澄水從遊悲往事  
小子方成人有造聞一番噩耗浙潮嗚咽哭先生

高等三年黃步雄

逝矣博物師剖析纔半年恨未全窺動植曠  
悲哉門弟子睽違分兩地魂兮空賦歸去來

高等三年生蔡組強

先生以教育名家方期泰斗長留萃西鄉後起英才同  
深景仰

故里甫別離匝月孰料人琴俱寂令小子質疑問難頓  
失師資

高等三年生劉作楨

小子曾受業門牆正欣師範有資不負比鄰瞻北海  
乃父方與聞國政恐令客途遇耗長將遺恨慟西河

高等三年生鄭演

溯曩時絳帳談經賴有先生開茅塞  
慨此日素車憑弔忍教小子泣山頽

高等三年生吳範

學務仗公扶迹寄遠方浙海潮寒心未冷  
人師悲天喪魂歸何處江靈望斷夢難尋

高等三年生華定國

公去何之想生前熱血未乾教育定開陰世界  
我悲已矣望此後人文繼起英靈應護舊鄉邦

高等三年生陳達

學海風高憤世傷時作賦牢騷喋熱血  
師門雲黯銷聲匿迹臨江憑吊咽寒潮

高等三年生陳慶選

曩年講舍從遊解析極毫芒示我周行名稱實  
今日旅棺遙返馨香荐蘋藻思公遺範敬還哀

高等三年生陳舜治

公去赴修文年少才多天上教師分一席  
我來聊致奠人存政舉里中遺愛重千秋

高等三年生曾撰

誰教後死悲乎志士英年逝水光陰天不憖  
報道先生去也酸風苦雨落花時節我何堪

高等三年生王嶽銘

翁誠博物大師憶去年澄水從遊奇獸珍禽資解析  
生亦武林故客倘此後西湖再到六橋三竺總淒涼

高等三年生陳毅

大地擎瓜分惡感滿懷公獨騎鯨歸淨土  
及門悲木壞同聲一哭誰教駕鶴促仙蹤

高等三年生金國忠

生為梓里良師復負笈擔簦捷足爭先新學界

死則甌邦往哲慨流風遺韻傷心最是舊門生

高等二年生張育英

公非百里才可憐壯志未伸中國斗山同感慨  
我在及門列忽報先生歸去故鄉雲樹共悲酸

高等二年生黃順來

天奪少年倘教策獻治安定有奇謀全大局  
世逢多故忽報歌傳梁木那堪熱淚灑同堂

高等二年生陳醴泉

教育具熱心賴先生振起斯文鄉校遽然存鄭國  
幽明成永訣痛小子憑依失所辦香惟有祝南豐

高等二年生唐錫瑜

大丈夫志在四方洛陽少年何不祿  
奇男子死如一夢河汾弟子總傷心

高等二年生林 察

滿腔熱血付東流可憐曠世英雄竟遭湮沒  
一縷英靈逐春去為問多方教術孰啟鴻濛

高等二年生李任俠

天亦忌英才異地招魂齊墮淚  
靈兮歸故土臨江憑吊最酸心

高等二年生 林 炯  
魯 鴻

曩年由普通畢業來就舉比才氣可兼人難得服從新



子弟  
今春卸教育仔肩觀光法政名言猶在耳那堪失此好  
師資  
高等二年生姚崇恒

扶持學務慷慨囊金為國育人材豈僅推恩及小子  
寄迹西河歸魂故里臨江迎旅櫬那堪揮淚哭先生

高等二年生  
楊經緯  
夏法言

三年獨居我愧聖門端木子

一腔熱血公乃當代賈長沙

高等二年生  
謝超  
林炯

費誼多才死有遺恨

唐瞿一哭悲不自勝

高等一年生唐  
森  
鈞

梓桑講學蘭芷翹材每聞義理箴言大雅如公真熱血  
長吉嘔心子淵短命際此朋儕聚首髫齡似我亦愴懷

高等一年生陳慶榜

木鐸聲沈吾將安仰

高等一年生鍾嶽

玉樓駕促天不愁遺  
寄迹近西河方欣努力光陰萬里鵬程誇捷足  
耗音來東浙恰值落花時節一聞鶴警觸愁懷

高等一年生許宗慎

生苦無緣辜負比鄰誇北海

高等一年生桑演

死真有數恐將遺恨慟西河  
公由法政專科慘竅革申韓空有文明新審判

晚

第

瑞安務本書局石印

我自澄江肄業豪情懷屈賈那堪荆棘舊風潮

高等一年生陳義東

一千里旅櫬遙來對江上鸞旗魂魄還應歸土著  
二三子感懷特切聽山頭杜宇哀情何奈入春多

高等一年生張保中  
謝保墀

弱冠早蜚聲發憤為雄萬彙甄陶宏願力  
英才歸物化傷心太暮一堂師表痛人琴

高等一年生王德基

呼天不佑賢良悲宣室名高不使白頭稱傑士  
送舅已成往事慨渭陽人去誰將青眼看彌甥

高等一年生從外甥陳耀東

事在人為一片苦心存梓里

高等一年生朱鳳飛

文遭天喪滿腔熱血返蓉城

小子未成人築室獨居素願終虛慚端木

先生真厭世臨江憑吊酸心灑淚泣平原

高等一年生陳凱

豪俠痛時艱憤世傷身遽赴玉樓悲長吉

文章憎命達人亡琴杳未傳衣鉢感和凝

高等一年生蔡錦雯

浩氣薄雲霄適當運厄時艱長示及門喋熱血  
儀型瞻泰斗忽報山頽木壞咸思築室竟心喪

高等一年生陳慶榜

痛哭自傷公即賈太傅

高等一年生朱玉麟

勵精力學我愧朱家庭

元氣先怪孝綽英華社會啟文明劇憐小子無知面貌

衣冠空想像

偉節才名長沙經濟鄉邦推領袖何奈昊天不弔泰山

梁木倍傷心

高等一年生何勵漢

陸機入洛年猶少

高等一年生周尚德

屈子沈江志豈休

桃李在公門獨小子無緣未及東裝從嗣服

英才冠儕輩奈浮生若夢遽然命駕促終軍

初等四年生王紹通

吾鄉英俊能有幾人天道茫茫公去前途誰作主

隣里師資先弱一個雲山渺么心傷何地慰歸魂

初等四年生 張廷芬 陳揚鵬

先生長唱鸞歌忍使西河傷垂暮

初等四年 包樹鈺

吾輩同來鶴吊那堪北里失英年

年 孫繩

半面未親辜負深情懷北海

初等三年生 王則憲 獻君

千秋永訣恐將長夢付南柯

志在四方公磊落

初等三年生

劉作楫 陳義旦

緣慳一面我酸辛

三五日疹毒攻心幸季弟相依屬纊猶能視含玉  
一千里電音忽至歎哲人長逝招魂空自盼歸舟

初等三年生 朱玉笛 蔡耀墀

旅舍告終千里羈魂歸夜月 初等三年生 周澄濤 陳立高

師門論學幾人入座哭春風 負國民陶鑄之才久矣同堂蒙教澤

有壯士悲歌之概惜哉早歲赴仙遊

初等三年生 葉尚新 孫宗綿

賈太傅自有千秋當日情懷誰訴

初等三年生 林仁輔 張育羣 蔡組強

韓荆州未親一面此生恨事難忘

初等二年生 徐俊 萊

中國少年魂當不死 及門弟子情何以堪 三葛鼎峙次即公想春草池生英魄還應懷謝夢

諸阮環立愚惟我痛竹林會散遺徽長此泣咸琴

高等一年生 任順良

大雅云亡想像恐非真面目 初等二年生 徐鴻翌 學椿 學舜

斯文安在感恩惟有舊朋儕

廿年攻苦遠涉京華殉學在半途天胡不吊

三日彌留頻呼阿父蓋棺難一面我獨何堪

凱兒去歲到京投考法政逾期見擯快、回里本春勉就省垣私立法政正科不逾月而病作余適以諮議局臨時會晉省兒急望余至時作呼號迨至而兒已入殮半日痛何如之鴻初含淚識

男兒熱血奮不顧身六七年銳志離鄉那知口筆常談

終成語讖兒自京師來函有不學法政死不休之語

客舍孤燈死非其所四十日遺骸歸里翻恨英華大露

邁此閔凶

兒性情激余嘗以過露鋒芒為戒鴻初又識

仲可懷也分飛雁影恐棄同胞華夢感情深曩時慷慨

出鄉偶爾別離成永訣

我心悲矣啼徹鶉聲魂招異地椿萱勤盼望此日悽惶

歸櫬那堪垂暮轉愴懷

伯兄欽

幼年共學壯歲同遊惟兄傑出英姿願相與有成血性

去當天大事

侍疾七天扶舉千里嗟我病餘弱質但呼號奔走哀聲

撼動浙江潮

李弟嶷

家君有淚心傷荆樹偏枯斗室敘天倫合三四悲感交

乘衰杖期功都泣血

童子無知躬荷竹林厚愛澄江宏樂育隨百十人趨蹌

恐後師生骨肉倍啣哀

受業胞侄順宣

追

溫州府

圖



理物不<sup>①</sup>如<sup>②</sup>所<sup>③</sup>見